

ძველი ეგვიპტე შემაჯამებელი დავალების კონტექსტში

ავტორი [მაია ფირჩხაძე](#)

შემაჯამებელი დავალებები ისტორიის სწავლებაში დღეს ფართოდ გამოიყენება. ამ ტიპის დავალებებს ბევრი უპირატესობა აქვს, რის გამოც ის სასწავლო პროცესის აქტიურ კომპონენტად მიიჩნევა. პირველ რიგში ამ უპირატესობას განაპირობებს მისი ორიენტაცია მოსწავლის მრავალმხრივი უნარების განვითარებაზე, როგორცაა: კვლევა და ანალიზი, კრიტიკული და კრეატიული აზროვნება; ინტერდისციპლინურობა (სხვადასხვა საგნებთან – გეოგრაფია, ლიტერატურა, ხელოვნება, სამოქალაქო განათლება და ა.შ. ინტეგრაცია, რითაც მოსწავლეები უკეთ იგებენ ისტორიულ კონტექსტს), თანამედროვეობასთან კონტაქტი (თანამედროვე თემებსა და პრობლემებთან პარალელების გავლება ხელს უწყობს მოსწავლეებს, ისტორიის გაკვეთილებიდან მიღებული ცოდნა და უნარები გამოიყენონ თანამედროვე სამყაროში); აქტიური სწავლება (პრობლემაზე ორიენტირებულობა, კრიტიკული საკითხების კვლევა), თანამშრომლობა და კომუნიკაცია (გუნდურობა, დისკუსია, პრეზენტაცია), მოტივაცია და საგნობრივი ინტერესის გაზრდა, პიროვნული ზრდა და ღირებულებითი განათლება. ამ განსაკუთრებული ხასიათის გამო შემაჯამებელი დავალებები ყოველთვის გამორჩეულია მოსწავლეთა მაღალი ჩართულობით.

გთავაზობთ კონკრეტულ მაგალითს მე-7 კლასის ისტორიის სასწავლო კურსიდან:
დავალების ტიპი – ემაჯამებელი დავალება
კლასი: VII
თემა: „ძველი აღმოსავლეთი“

ცნებები: წყარო/ ინტერპრეტაცია (შედეგები: 1, 2, 5, 6) ; დრო (შედეგი: 3, 7, 8); სივრცე (შედეგი: 3, 9); საზოგადოება (შედეგი: 7.8.10,11,12); ძალაუფლება (შედეგი: 7,8,10,11,12); ისტორიული მოვლენა / პროცესი (შედეგი: 4, 5, 6, 8, 9) : მოსწავლეს შეუძლია ძველადმოსავლურ პერიოდთან დაკავშირებული ფაქტების/მოვლენების/პროცესების სხვადასხვა ტიპის წყაროების მონაცემების საფუძველზე შესწავლა-ინტერპრეტირება; ძველადმოსავლური პერიოდის როგორც ეპოქის მნიშვნელობის გამოკვეთა; ძველადმოსავლური პერიოდის საზოგადოების განვითარებაზე გეოგრაფიული ფაქტორების ზეგავლენის გაანალიზება, შესაბამისი პერიოდის ისტორიულ-გეოგრაფიული ცნებებისა და ტერმინების გამოყენება; არსებითი ნიშან-თვისებების საფუძველზე (ტრადიციები, სოციალური ფენები, მეურნეობის ფორმები, მსოფლმხედველობა..) გამოკვეთა; ძველადმოსავლურ ხანაში არსებული საზოგადოებრივი ინსტიტუციების აღწერა და მიმდინარე ისტორიული მოვლენების/პროცესების მიზეზებსა და შედეგებზე მსჯელობა.


დავალების პირობა: წარმოიდგინე, რომ ძველი აღმოსავლეთის ისტორიის მკვლევარი ხარ და პრეჟენტაციისთვის მასალებს იძიებ. პრეჟენტაციამ მსმენელებს შთაბეჭდილება უნდა შეუქმნას:

1. როგორ ბუნებრივ პირობებში ცხოვრობდა ძველი ეგვიპტის მოსახლეობა? რას საქმიანობდნენ, როგორ აღქვამდნენ სამყაროს?
2. როგორი საბრძოლო თუ სამუშაო იარაღებით სარგებლობდნენ? როგორ იცავდნენ თავს?
3. როგორ ვითარდებოდა და იცვლებოდა მათი საქმიანობა, საზოგადოებრივი ფენები? ხელისუფლება?
4. როგორი საცხოვრებელი და სატაძრო ნაგებობი ჰქონდათ?

ამ მიზნით შენი სამუშაო დაყავი ნაწილებად:

I ეტაპზე – შეასრულე აქტივობები:

აქტივობა 1. იმუშავე რუკაზე “შუამდინარეთი და ნილოსის აუზი. რეგიონი, სადაც პირველი სახელმწიფოები ჩამოყალიბდა”: მოძებნე რუკაზე, სად ცხოვრობდნენ ეგვიპტელები; ივარაუდე, როგორი ბუნებრივი გარემო პირობები ექნებოდათ სამეურნეო ცხოვრებისთვის? რამდენად განსაზღვრავდა ბუნებრივი პირობები სამეურნეო საქმიანობას?



რუკა: შუამდინარეთი და ნილოსის აუზი. რეგიონი, სადაც პირველი სახელმწიფოები ჩამოყალიბდა.

რესურსი – სახელმძღვანელო “ისტორია”, ავტორები – ნატა ახმეტელი და ბესიკ ლორთქიფანიძე. გამომცემლობა “დიოგენე”, 2019. & 12; 13

აქტივობა N 2 – იმსჯელე, რამდენად მისაღებად მიგაჩნია მოსაზრება, რომ ეგვიპტე იყო პირველი “სამდინარო სახელმწიფო”? დაასაბუთე შენი არგუმენტი.

რესურსი: ვიდეორესურსი – [“ძველი ეგვიპტე”](#)



აქტივობა N3 – შეასრულე სავარჯიშოები სახელმძღვანელოს გვ. 39-ზე :

1. რა აქვს საერთო და რით განსხვავდება იეროგლიფები პეტროგლიფებისგან?
2. შენი აზრით, რატომ იყო საჭირო სახელმწიფოში მოსახლეობის აღწერა?
3. როგორ ფიქრობ, ფარაონის მიერ გადასახადების აკრეფა მისი გამდიდრების წყარო იყო თუ სახელმწიფოს არსებობის აუცილებელი პირობა? პასუხი დაასაბუთე.
4. როგორ ფიქრობ, რატომ ვიხდით გადასახადებს და აუცილებელია თუ არა გადასახადების გადახდა სახელმწიფოსთვის?
5. რატომ ეჭირათ განსაკუთრებული ადგილი ეგვიპტეში გადამწერებს?
6. მეცნიერები მიიჩნევენ, რომ დამწერლობის შემოღება სახელმწიფოების შექმნის შემდეგ გახდა აუცილებელი. შეეცადეთ ახსნათ, რატომ იყო ასე საჭირო სახელმწიფოს არსებობისთვის დამწერლობა.

და გვ. 40-ზე:

8. როგორ იმართებოდა ეგვიპტის სამეფო, ანუ როგორი იყო ეგვიპტის სამეფოს მმართველობის სისტემა? შენი აზრით, რით განსხვავდება ის თანამედროვე სახელმწიფოსგან?
9. გამოთქვი ვარაუდი, რატომ არის აუცილებელი სხვადასხვა სპეციალობის ადამიანების არსებობა სახელმწიფოს განვითარებისთვის?
10. კლასში გამართეთ დისკუსია სახელმწიფოს დამახასიათებელ ნიშან-თვისებებზე. თქვენი აზრით, რა პირობებია აუცილებელი სახელმწიფოს არსებობისთვის?
11. როგორ ფიქრობ, რა უნდა აღმოეჩინათ არქეოლოგებს, რომ თრიალეთის კულტურა მკვლევრებს სახელმწიფოდ ჩათვალიათ?

აქტივობა N4 – იმუშავე კოგნიტურ სქემაზე (იხ. სურ.1): ჯერ შეავსე პირველი სვეტი – „სიტყვა/ცნება“; შემდეგ შეავსე მეორე სვეტი – „მე მგონია“ და ჩაწერე შენი იდეა/ვარაუდი მოცემულ სიტყვასთან/ცნებასთან დაკავშირებით და განმარტე, რატომ გაქვს ასეთი ვარაუდი.

სიტყვა /ცნება	მე მგონია...	ტექსტი ამოიბს...	ილუსტრაცია	გამომაქვს დასკვნა
1. სახელმწიფო			 (დაამატე შენი ილუსტრაცია)	

2. უმადლოესი მმართველი			 (დაამატე ილუსტრაციაც) შენი	
3. სოციალური ფენები				
4. ჯარი/არმია			 (დაამატე ილუსტრაციაც) შენი	

II ეტაპის აქტივობები:

აქტივობა N1 – გაეცანი მასალებს და მონიშნე /ამოიწერე/ჩაინიშნე ყველა ის ადგილი, რომელიც გჭირდება მესამე სვეტის – „ტექსტი ამბობს“ – შევსებისთვის. მათზე დაყრდნობით შეავსე მესამე სვეტი.

რესურსებად გამოიყენე:

- ანიმაცია – ყოველდღიური ცხოვრება ძველ ეგვიპტეში (ქართული ტიტრებით)
<https://www.bbc.co.uk/bitesize/articles/zqmyydm#zj6yvwX>
- საქართველოს პარლამენტის ეროვნული ბიბლიოთეკის გვერდი “ბიბლიოვიკი”
ეგვიპტის არმია – NPLG Wiki Dictionaries
- ისტორიის სახელმძღვანელო (მოსწავლის წიგნი) : &14,16,17;
- ვიდეორესურსი ძველი ეგვიპტის შესახებ
- საინფორმაციო წყარო: “ეგვიპტელები”

ეგვიპტელები

აფრიკის კონტინენტის ჩრდილო-აღმოსავლეთში, მდინარე ნილოსის დაბლობში, მიწათმოქმედი ტომები სახლობდნენ. სანაპირო ვაკეებს ირგვლივ უდაბნო აკრავს. ამ რეგიონში წვიმა თითქმის არ მოდის, ამიტომ ნილოსი აქ ტენის ერთადერთი წყაროა. ხვანა-თესვა ნოემბერში იწყებოდა, აპრილ-მაისში უკვე პირველ მოსავალს იღებდნენ. თუმცა ნათესებს ნილოსის აღიდება უქმნიდა საფრთხეს და ყანებს დაცვა სჭირდებოდა ღროთა განმავლობაში ეგვიპტელებმა წყლის სარწყავი არხებით რეგულირება ისწავლეს: ძირითადი არხი მათ მდინარის კალაპოტის გ


ასწვრივ გაჰყავდათ, მისგან პატარ-პატარა არხებით კი წყალი ყანებამდე მიდიოდა. არხების გარდა, ეგვიპტელებმა ააგეს წყალსაცავებიც, რომლებიც წყლით ძირითადი არხიდან მარაგდებოდა და გვალვის დროს მოსარწყავად იყენებდნენ. თანდათან ნილოსის დაბლობი სარწყავი არხების ქსელმა დაფარა. დაბლობში დასახლებულ მიწათმოქმედთა თითოეულმა ტომმა ნილოსის გასწვრივ დამოუკიდებელი ერთეულები – ნომები. თითოეულ ნომს ჰყავდა საკუთარი მმართველი – ნომარქი, ჰქონდა გალავნით შემოზღუდული ქალაქი, სადაც ნომარქი იჯდა. იქვე იყო ადგილობრივი ღვთაების ტაძარიც. ნომები საკუთარი საზღვრების გაფართოებას ცდილობდნენ: ერთი ნომი მეორეს იპყრობდა და მის მიწას იერთებდა. ერთი ნომარქის ძალაუფლება შემოერთებულ ნომზე ვრცელდებოდა. თანდათან, ნომების გაერთიანების შედეგად ძვ.წ. IV ათასწლეულში ორი სამეფო: ზემო და ქვემო ეგვიპტის სამეფოები ჩამოყალიბდა. ძვ.წ. IV ათასწლეულის დასასრულსა და III ათასწლეულის დასაწყისში კი ეს სამეფოებიც გაერთიანდა და ერთიანი სახელმწიფო შეიქმნა, როლის სათავეშიც მეფე-ფარაონი იდგა. მთელი ძალაუფლება მას ეკუთვნოდა. გაერთიანებული სახელმწიფოს დედაქალაქი იყო მემფისი – ქალაქი ნილოსის დელტის სამხრეთ ნაწილში.

აქტივობა 2 – მოცემული ინფორმაციების შესაბამისი ვიზუალური მასალა – ნახატი/სიმბოლოს შექმნა – ჩაამატე ისინი მე-4 სვეტში „ილუსტრაცია“ . მოიყვანე არგუმენტი, რატომ გააკეთე ასე და არა სხვაგვარად.

III ეტაპის აქტივობები:

აქტივობა 1 – იმსჯელე: ზემოთმითითებული 6 ძირითადი ნიშნის მიხედვით (სახელმწიფო, უმაღლესი მმართველი, სოციალური ფენები, ჯარი, დამწერლობა, რელიგია და კულტურა) რა აქვთ საერთო და რა აქვთ განსხვავებული ძველი ეგვიპტის სახელმწიფოს თანამედროვე სახელმწიფოსგან?

მიღებული პასუხები ასახე დიაგრამაში:



აქტივობა 2: – სვეტში – “გამომაქვს დასკვნა” – ჩაწერე შენი ძირითადი დასკვნები თითოეულ – სიტყვა /ცნებებთან დაკავშირებით.

IV ეტაპის აქტივობა – შესრულებული დავალების წარდგენა/პრეზენტაცია. დავალება შეასრულე წერილობით ან PPT -ფორმით. ნაშრომის პრეზენტაციისას ხაზგასმით წარმოაჩინე:

| რამდენად სრულყოფილი იქნებოდა უძველესი სამდინარო ცივილიზაციის, პირველი სახელმწიფოს ისტორიის შესახებ ჩვენი წარმოდგენები რომელიმე ცნება რომ გამოგვეტოვებინა?

ბოლოს – შეფასება – სოლო ტაქსონომია

პრესტრუქტურული დონე-1-2	უნიტრუქტურული დონე 3-4	მულტისტრუქტურული დონე 5-6	მიმართებითი 7-8	გაფართოებული 9-10
1. მოსწავლე ვერ იცებს საკითხს, ვერ აჩვენებს ძირითად მახასიათებლებს 2. იყენებს შეუსაბამო, არარელევანტურ ინფორმაციას 3. იყენებს ბუნდოვან, არაადეკვატურ ლექსიკას	1. მოსწავლეს შეუძლია საკითხის ძირითადი ასპექტებიდან: ძველი ეგვიპტის ბუნებრივი პირობები, საქმიანობა, ხელისუფლება, ფენები. საბრძოლო და სამეურნეო იარაღი, სახეცხოვრებელი და სატაძრო ნაგებობები - მხოლოდ ერთი მახასიათებლის გამოყოფა (სამეურნეო საქმიანობა) და მარტივი ზედსაპირული ინფორმაციის ფლობა 2. მოსწავლე იყენებს მწირ ლექსიკას.	1. მოსწავლეს შეუძლია საკითხთან დაკავშირებით რამდენიმე მახასიათებლის (სამეურნეო საქმიანობა და ბუნებრივი პირობები) აღწერა, მაგრამ მათ შორის კავშირი არ არის სრულფასოვნად აღწერილი და გაანალიზებული 2. ნაშრომში ფრაგმენტულადაა წარმოდგენილი მოსწავლის იდეები 3. მოსწავლე იყენებს საჭირო ლექსიკას	1. მოსწავლეს აერთიანებს ყველა ძირითად მახასიათებლებს და გაანალიზებულია კავშირები 2. ნაშრომში წამოდგენილია მოსწავლის იდეები. წარმოჩენილია წარმოსახვითი ავტორის გრძნობები. 3. მოსწავლე იყენებს საჭირო ლექსიკას.	1. მოსწავლეს შეუძლია ღრმა ანალიზი ძველი ეგვიპტის შესახებ, აფასებს პრობლემებს და გადაჭრის გზებს. 2. ნაშრომში ორიგინალურადაა წარმოდგენილი მოსწავლის იდეები და მოსაზრებები. 3. წარმოჩენილია წარმოსახვითი გრძნობები. 4. მოსწავლე იყენებს მრავალფეროვან ლექსიკას.

შემაჯამებელი დავალებების გამოყენება ისტორიის სწავლებას განსაკუთრებულ ელფერს ანიჭებს, ეს მეთოდი საშუალებას აძლევს მოსწავლეებს, უფრო სრულყოფილად და ღრმად გაიგონ ისტორიული მოვლენები და კონტექსტი, გახდნენ უფრო ინფორმირებულები, კრიტიკულად მოაზროვნეები და ჩამოუყალიბდეთ კაცობრიობის ისტორიული მემკვიდრეობის მიმართ პასუხისმგებლობის გრძნობა.